

【山海慧如來】（科註第四六三頁倒數第三行）

《妙法蓮華經·授學無學人記品第九》：爾時佛告阿難。汝於來世當得作佛。號山海慧自在通王如來……國名常立勝幡。其土清淨琉璃為地。劫名妙音遍滿。其佛壽命。無量千萬億阿僧祇劫。若人於千萬億無量阿僧祇劫中。算數校計不能得知。正法住世倍於壽命。像法住世復倍正法。阿難。是山海慧自在通王佛。為十方無量千萬億恒河沙等諸佛如來。所共讚歎稱其功德。